

張仲華先生

張大曦。字仲華。清道光胥江人。以醫術馳名江浙間。所著有愛虛醫案若干條。原刻上下兩卷。共一百餘案。會洪楊之亂。燬於兵燹。遂少傳本。其論病選藥。思路深細。用法精到。頗能獨開生面。發前人所未發。惟刻意爭奇。不肯稍涉平境耳。

張仲華醫案目錄

內傷	一
內風	二
濕痹	四
失血	四
消證	五
嘔逆	六
外感	七
伏氣	一〇

疫邪	二〇
瘧疾	二二
黃疸	二四
腹痛	二五
腫脹	二六
癰癤	二六
痢疾	二七
婦科	二九

張仲華醫案

遼武徐衡之編纂
嘉定姚若琴

江陰柳寶詒穀孫評註
蕭山謝誦穉園點

內傷

病經匝月。表熱解後。杳不思納。脈靜舌淨。細倦言懶。既無外感。留戀又非老景。顏唐。晴光流動。面色開曠。問所服之藥。苦寒沈降者多矣。訪係胃氣爲藥所困。非病也。亦非衰也。且進和中醒中以悅脾胃。令其納穀。乃昌。

人參須 炒麥冬 炒橘白 北沙參 甘草 生石解 生穀芽 野薑微露

詒按。此方清潤有餘。尙欠流動。如胃氣呆鈍。稍加香砂。胃有寒凝。稍增芡。以欲專和胃。加麻豆。導子。欲兼和肝。加木瓜烏梅。均可於此方。隨宜增入也。

再診。胃氣乍醒。脈形軟弱。久飢之後。藏府之氣尙微。納穀以勻爲穩。至於用藥。尙利輕靈。須俟胃氣日隆。方可峻補。盡凡投補劑。必藉胃氣敷布。故

也。經云。百病以胃氣爲本。又云安穀則昌。其斯之謂歟。

人參鬚 益智仁 炙甘草 石斛 茯神 南棗 北沙參 炒麥冬 橘白 香穀芽

詒按。名言至理。凡進補劑者。須識此意。

竟日悲思。半載納減。詢非惱怒感觸所致。在病人亦不知悲從何來。一若放聲號泣。乃能爽快。睡醒之際。持甚。餘如默坐亦然。韓昌黎云。凡人之歌也有思。哭也有懷。出於口而爲聲者。其皆有不平者乎。夫悲哀屬肺。寢則氣窒。醒則流通。想其乍醒之際。應通而猶窒焉。是以特甚。揆之脈象。右寸細數而小滑。伏火挾痰有諸。或更有所驚恐。驚則氣結。結則成痹。痹則升降失常。出納呆鈍。胃氣所以日餒耳。擬以開結通痹爲先。毋急急於補也。

旋覆花 元參 炒竹茹 瓜蒌皮 薤白頭 紫苑 橘絡 安息香 生鐵落

詒按。推想病情。思路曲折以達。

內風

眩暈多年。每發於溼蒸之令。今年初夏。潮溼過重。發亦頻頻。診脈濡細。舌苔膩白。考古法眩暈一證。概從內經諸風掉眩。皆屬於肝之論。大言不外平風陽上旋。更辨別挾火挾痰以治之。今按脈證。乃溼鬱上泛。挾濁痰膩膈所致。因前人未經論及。而臨證亦罕見也。擬辛香運中。以化溼化痰主之。

製厚朴 煨草果 炒蘇子 旋覆花 茅朮 製半夏 陳皮 白芥子 椒目 赤苓

詒按。所論病機極合。方中尚宜參入清泄肝陽之品。如白芍、蒺藜之類方穩。蘇子似不必用。

再診。眩暈不復作。舌白依然。脈濡便溏。腕中較爽。信係體肥多溼。嗜酒多溼。臥於地坑之上。亦感溼。好飲冷茶。亦停溼。偷泥於古法。而投滋降。不亦遠乎。再擬昨方加減。仍守太陰陽明主治。

茅朮 煨草果 製半夏 土炒白朮 佩蘭葉 製厚朴 旋覆花 薑梗 陳皮 通草

詒按。眩暈由於溼痰壅遏者。亦所時有。然其中必有木火內部。為痰濁所蔽。治當於疏化溼痰之中。仍參清泄之品乃合。

溼病

形瘦汗漬。脈濡神糊。舌如傳粉。沈睡痰迷。素係嗜酒之體。溼痰瀰漫。蒙遏清陽。擾亂神明所致。非陷也。亦非閉也。慎勿開泄。擬達原飲意。

製厚朴 煨草果 枳實 炒陳皮 茅朮 白芷 法半夏 山芡菇

詒按：論病確鑿。方亦的當。宜其效若桴鼓也。

失血

鼻衄。盛發成流。不止者已三日。面赤。足冷至膝。脈數寸關尤甚。血去過多。心蕩神馳。陰虧內熱之體。厥陽化火上逆。擾動脈絡。血行清道。從高瀉注而下。非若吐紅之易定。血有幾何。豈堪如此長流。擬仿志火升騰治例。用涼血滋降法。

犀角 炒女貞子 黃連 熟地 青鉛 炙龟板 旱蓮草 煨磁石 阿膠 咸水炒牛膝

詒按：此證甚險。用藥尚稱得力。方中當加重便冲入。

消證

乍納又飢。消燦迅速。如火之燎於原。遇物卽爲灰燼。病此半月。肌肉盡削。詢係失意事多。焦勞苦思。內火日熾。胃液日乾。藏陰既損。而充斥之賊愈難撲滅耳。姑擬玉女煎加味。

大生地 麥冬 元參 阿膠 知母 石膏 妙白芍 女貞子 旱蓮草 甘草

再診兩進甘涼救液。大勢僅減二三。渴飲反甚。溲渾而濁。上中之消。又轉到腎消矣。三焦兼涉。津液必至告竭。證情極險。再擬從治之法。宗河間甘露法。必得十減七八乃幸。

熟地 石膏 肉桂 生地 麥冬 炙草 白芍 人參 咸水妙黃蘗

三診從治之法。始也依然。藥三進而納日退矣。小水渾濁轉清。舌苔光紅亦淡。擬宗前方小其制。仍與上中下三焦並治。

熟地 烏梅 炙草 川萆 川椒 生地 肉桂 人參 麥冬

四診連進固本從治之法。並參苦辛酸安胃。允推應手。今胃納安常。諸恙皆平。而津液受傷已極。善後之法。自當立中育陰。以冀莫復。

參 熟地 天冬 洋參 北沙參 知母 麥冬 石斛 茯苓

結按第一方力量之大。二方立法之巧。三四方用意之周匝。隨機而應。步伐井然。具此見解。庶可談醫。然已難其人矣。

嘔逆

惱怒傷肝。木火犯胃入膈。支撐胸背。嘔吐血塊痰涎。不納不便。舌白苔膩。胃爲水穀之海。多氣多血之府。性喜通降。所畏倒逆。經此氣火衝激。溼濁乘機錯亂。偷肆其猖狂。厥勢立至。若再侮脾土。脹滿必增。左脈絃硬。右脈細軟。穀不沾唇者已五日。胃氣憊矣。而嘔尚甚。中無砥柱。何恃而不恐。諸先生所進苦寒沈降。蓋欲止其嘔。而順其氣。誠是理也。然內經云。百病皆以胃氣爲本。苦寒性味。又屬伐胃。胃不能安。藥力何藉。拙擬苦寒以制肝之逆。苦辛

以通胃之陽。而必參以奠安中氣。庶幾倒逆之勢得緩。幸勿拘於見血畏溫之議。

人參 吳萸 旋覆花 川棟子 川椒 法半夏 茯苓 川連

另肉桂四分。酒炒龍膽草三分。二味同研飯丸。煎藥送下。

詒按。論病頗有卓見。立方亦穩。惟丸方肉桂合龍膽。一寒一熱。似不如肉桂合川連。取交濟之意更佳。

外感

得食則嘔。已延月餘。形神疲乏。宛如膈證。聽其言。觀其人。惟知明而動。晦而休。務農無患者流。診左關脈數。右關細軟。舌白口苦。寒熱往來。汗之有無。病者不知。益少陽見證。原有嘔惡。揆其病情。是任其嘔逆。以致反胃。厥穀。胃氣日逆。似乎噎膈。實由邪蘊於少陽。一經胃被邪克。氣不通達。據是脈證。宜先泄少陽之邪爲要。擬小柴胡法。佐以辛通。

柴胡 制半夏 製厚朴 蘇叶 蘇子 炒川椒 橘皮 青皮 淡芩

治按。治病不難。難在採取病情。能得真諦。

發熱惡寒。頭項強痛無汗。胸痞脈浮緊細。證屬正傷寒。南方所罕見。詢係連朝營墓辛勤。居在嚴寒。又居曠野。太陽表證悉具。宗仲聖不汗出而煩躁者。大青龍湯主之。

麻黃 桂枝 防風 杏仁 甘草 羌活 生石膏 生薑 大棗

治按。證在初起。似不必遽用石膏。就案中所述。乃麻黃湯的證。

再診。病甫兩日。太陽證未罷。而陽明少陽證已悉具。可知南人稟賦柔弱。其傳經之迅速若此。汗既未暢。擬三陽並泄。

麻黃 柴胡 白芷 葛根 羌活 杏仁 連翹 黑山梔 薑渣 大棗

三診。汗暢熱解。煩躁已除。脈轉細小。形疲體瘦。嗜臥而思納穀矣。其發也凶悍。其傳也迅速。其退也亦易易。究屬質弱者易感易達。不若北方風氣剛勁。稟賦厚而腠理實。必至傳徧六經乃已。是證若宗三時六氣治之。勢必

淹纏幾候耳。擬和營衛法。

桂枝 橘白 薑渣 防風 茯苓 桑枝 秦艽 大棗

船按：南方少正傷寒證。方案雖平淺。宜存之所擴聞見。

表熱九日。有汗不解。舌絳起刺。煩渴引飲。間作寒戰之象。熱甚下午。至夜神志時糊。脈洪無力。陽明經分之邪。又傳少陽。陽明府分之滯。灼傷津液。極似大柴胡證。而與脈情不符。細繹病情。正虛津竭。既非陷裏之神糊。如何香開。致使內傳。欲其府滯能通。必俟津回液復。擬宗仲聖人參白虎湯意。參入景岳柴胡煎。庶與脈證符合。諸先生以爲何如。

參鬚 柴胡 石膏 鮮石斛 元參 竹葉 麥冬 黑山梔 知母

詒按：於虛實進退之間。慘淡經營。良工心手。

再診。汗熱煩渴已減。舌絳淡而尖刺已少。津液稍回。正氣較振。脈數未平。神志已爽。少陽陽明之表分。既清既泄。而府分之滯。尙待清瀉。育陰而下。

也。切勿因滯而遽投蕩滌。審證二字。其難其慎。臨時應變。平日之工夫也。

生地 知母 銀花 赤芍 麻仁 瓜蒌仁 花粉 丹皮 鮮薑石斛

給按。此取增液以行宿滯之意。

伏氣

表熱四候。額汗如淋。汗時膚冷。汗收熱灼。消滯泄邪。清補諸法。已遍嘗矣。診脈虛細。惟尺獨滑。舌苔已淨。胃納稍思。細繹脈證。病邪不在三陽。而在三陰。考仲聖有反發熱一條。是寒邪深伏少陰之陽分。今乃溼溫餘邪。流入少陰之陰分。良由少年腎氣不藏所致。治當宗其旨。變其法。擬補腎陰。泄腎邪。一舉兩得。庶可許熱解汗收。

熟地 枸杞炭 獨活 茯苓 五味子 細辛 牛膝 丹皮

給按。能從對面勘出。此爲善讀書人。惟方中熟地。似不如生地爲得。

疫邪

壯熱神糊。陡然而發。脈數大而混糊無序。舌垢膩而層疊厚布。矢氣頻轉。小洩自遺。脘腹痞硬。氣粗痰鳴。既非尋常六氣所感。亦非真中。類中之證。觀其濺濺自汗。汗熱而不黏。指轉側自如。四體無強直之態。舌能伸縮。斷非中風。設使外感。何至一發便劇。而安能自汗。倘守傷寒先表後裏。下不嫌遲之例。是坐待其斃矣。亦曾讀吳又可先裏後表。急下存陰之論否。蓋是證也。一見盛癰。則胃已爛而包絡已陷。迅速異常。盍早議下。尚可僥倖。諸同學以爲然否。

厚朴 大黃 黃芩 枳實 檳榔 草果 知母 陳皮

治按論證明確。方亦老當。絕無黏貼膚癢之弊。

再診。神志得清。表熱自汗。腹猶拒按。矢氣尙頻。便下黏膩極穢者未暢。小水點滴如油。脈數略有次序。舌苔層布垢濁。胃中穢濁蒸蘊之勢。尙形熾灼。必須再下。俟裏滯漸楚。然後退就於表。吳又可治疫之論。闡發前人所未

備。甚至有三四下而後退走表分者。若作尋常發熱論治。豈不謬乎。

大黃 枳實 銀花 知母 細川連 丹皮 滑石 元明粉 厚朴

詒按此等證有下至三四次而後清者。必須有膽有識。方能奏功。

瘧疾

間瘧止後復發。發不歸期。或二三日。或七八日。發則寒戰熱甚。兩三月如此。從無汗泄。脈沈而細。形瘦骨立。胃納左微。證由久瘧傷陰。陰損不復。其爲勞瘧顯然。現屆夏令。已得可汗之時。且服存陰泄邪。以冀汗泄於表。陰復於裏。轉準瘧期。庶有畔岸可依。擬少陽少陰並治。

柴胡 大生地 地骨皮 黃芩 龍甲 青蒿 歸巖 細辛 丹皮

詒按此病若認作虛證而投膩補。則愈補愈熱。不死不休矣。幸遇明眼人識破。乃能得此生機。

再診。藥四服而值瘧來。寒戰依然。熱勢轉短。熱退時汗已暢達。脈沈轉出。神氣覺爽。而食物有味。察其轉輕之象。皆從汗後。究由外感乘虛蘊伏。愈

伏愈深。延爲怯象。茲有向外泄化之機。仍宗前議加減。必得轉爲開瘡乃安。

黃芩 炒歸鬚 炒知母 青蒿 龍胆炒柴胡 丹皮 炒秦艽 小生地 荆芥炭 豆卷

詒按：得汗卽是生機。仍可用大生地歸身，以助陰達邪。

三診。瘡準日作。解後有汗。寒熱之勢大減矣。脈形細小。舌不生苔。久瘡陰傷。復其陰可耳。證屬轉機。已得坦途。凡腥羶鮮發。以及麥食等。均須慎禁。擬清養法。參以泄化。

洋參 桑葉 炙龜甲 石斛 丹皮 青蒿 稽豆衣 穀芽 秦艽

詒按：此善後之法。凡歸地等養陰之品。似不可少。

黃瘡

瘡證多種。黑者屬腎。腎氣過損者。曰女勞黑瘡。今肌膚舌質盡黑。手指映日俱黯。強壯之年。腎陽早已不舉。體雖豐腴。腰軟不耐久坐。脈弱神疲。納減足冷。顯屬腎臟傷殘太甚。尙謂北路風霜所致乎。昔有人患此。遍處醫治。

皆曰風毒後遇顧西疇道破證名。宗溼熱流入腎經主治。試以此證較之。證雖同而虛實又異矣。現屆深冬。姑先治本。需春暖陽和。再商他法。

血餘 豬油 熱至盤枯、可以用油者俱用之、

煎製附子 炒枸杞 炒黃蘗 兔絲子

茯苓 牡蠣 茵陳 杜仲 熟地

再診。前方已服二十餘劑。肌膚之黑半化。其勢漸轉陰黃。形神大振。胃納加餐。且可耐勞理事矣。春令雖交。和煖未回。再擬補養脾腎。耐性攝養爲屬。

人參 沙苑 山藥 杜仲 熟地 茯苓 白朮 茵陳 杞子 續斷 兔絲 澤瀉
詒按。此方中亦當再添溫潤之藥。

三診。膚色花斑。證轉陰黃。較之黑瘡。淺一層矣。培植脾腎之藥。已進四十餘劑。形神色脈。俱屬平善。節令將交驚蟄。春暖之氣已和。治當開泄腠理。以滌膚斑。內經云。必先歲氣。毋伐天和。易曰。待時而動。何不利之有。擬宗仲

聖茵陳四逆法加減。三劑即停。接服丸藥可耳。黑色退盡之時。當在夏初。

製附子 白朮 赤小豆 麻黃 炒黃柏 茵陳 連皮苓

詒按。此證即非冬時。亦當先以溫煦脾腎爲主。務使身中陽和之氣。漸漸煦動。然後投以此劑。方能奏效。接服丸方未見。擬八味丸去萸桂。加朮藥。此病證情頗奧。治法亦奇。

腹痛

脾腎之陽素虧。醉飽之日偏多。腹痛拒按。自汗如雨。大便三日未行。舌垢膩。脈沈實。滯痰食滯。團結於內。非下不通。而涉及陽虛之體。又非溫不動。許學士溫下之法。原從仲聖大實痛之例化出。今當宗之。

製附子 肉桂 乾薑 生大黃 枳實 厚朴

詒按。論病立方。如良工制器。極機屬微至之妙。

腫脹

旬日內遍體俱腫。膚色鮮明。始也原有身熱。不慎風而即止。亦無汗泄。